



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**MARTYROLOGIVM.|| DER Kirchenkalen=||der/**

**Canisius, Petrus**

**Dillingen, 1599**

**VD16 M 1284**

4 g Rembertus Ertzbischoff zũ Bremen.

**urn:nbn:de:hbz:466:1-41449**

## Februarius

gen Jerecellensischen Bischoff Eusebio vnd andern  
inns Ellend geschicket/ aber vonn dannen wider beruffet/  
vnd von dem H. Maylendischen Erzbischoff Simpli-  
ciano zum ersten Nouariensischen Bischoff geweyhet.  
Verschied endlich im feid/ lag 6. Monat vnuergraben/  
vnd blib dannoch ganz vnuerwesen.

Item in Lütlicher Landschafft/ in der Statt Bisotum  
des H. Beichtigers Hadelini.

Item die begräbnuß des H. Alexandrinischen Pa-  
triarchen Johannis Eleemosynarij/ vonn welchem am  
23. tag Jenners gesagt ist.

Item inn ein Flecken inn Brabant / Merbeca ge-  
nannt / bey Ninouen / der heyligen Junckfrawen Ver-  
lendis.

g Pridie nonas Februarij.

### Der III. Tag im Hornung.

**G**EZE ist der Tag des leydens des heyligen  
Edlen Bischoffs vnd Marterers Philee / vnd  
des Hauptmanns Philoromi / welche beyde  
vnder dem Kayser Maximino / inn der Egyptischen  
Statt Trannis vmb Christi willen enthaupt seind wor-  
den/ vnd ein grosse vnzahlbare Schaar der Glaubigen  
aus derselbigen Statt folgete dem Exempel ihres Hir-  
ten/ vnd empfiengen auch vmb Christi willen die Mar-  
terkron.

*Eccles. hist.  
lib. 8. cap. 10.*

Item zu Rom der heyligen Marterer Aquilini /  
Gemini/

Gemini/Velasti/Magni vnd Donati: die alle vmb bekantnus Christi willen enthaupt seind worden.

Item des heyligen Beichtigers vnd Erzbischoffs zu Bremen/Semberti/welcher von dem H. gemeldten Anshario derselben Statt erstein Bischoff auffgezogen / ist auch im Bischofflichen Ampt ihm nachkommen / vnd hat seine Schäflein nicht allein löblich regiert / sondern auch den Hayden das Euangelium Christi eimsiglich verkündiget.

Item inn Engeland des heyligen Abts vnd Beichtigers Gilberti / welcher vil andere Menschen nach der Gaistlichen Regel zuleben vnderwisen / vnd das Kloster Gemmatense gestift hat / zur zeit Kayfers Othonis des ersten.

Item zu Treca des H. Bischoffs vnd Beichtigers Auentini.

Item in Cameracenser Bisshumb des H. Marterers vnd Erzbischoffs in Engeland Liephardi.

Item des H. Marterers vnd Königs in Engeland Richardi.

Item zu Jerusalem des H. gerechten / alten / inbrünstigen / Euangelischen Propheten Simeonis / welcher das geopffert Kindlin Jesum inn dem Tempel an seine Arm nam / vnd nach dreien tagen im Friden rühet.

Item zu Binchen des H. Bischoffs vnd Abts zu Laubach Bgisi / der ein Mann war wunderbarlicher Heyligkeit.

Item zu Suesion des heyligen Beichtigers Vodal.

A Nonis